



Broj: 02-04-263/23

Datum, 27.02.2023. godine

ZAPISNIK
sa 24. redovne sjednice 7. saziva
Općinskog vijeća Doboj Istok

Dvadesetčetvrta redovna sjednica 7. saziva Općinskog vijeća održana je dana 23.02.2023. godine u zgradi općine Doboj Istok u Klokočnici sa početkom u 10,00 sati.

PRISUTNI: 16 vijećnika, Kemal Bratić, općinski načelnik, Omer Hadžić, sekretar općine, Abdulah Hrnjičić, ovlašteno lice da zamjenjuje pomoćnika općinskog načelnika za prostorno uređenje, Samir Mujkić, ovlašteno lice da zamjenjuje pomoćnika općinskog načelnika za poduzetništvo i financije, Sulejman Delić, pomoćnik općinskog načelnika za civilnu zaštitu, Lejla Ragibović Hadžić, općinski pravobranilac, Vehabović Mehmed, predstavnik Policijske stanice Doboj Istok, te Fahrudin Kurtović, predstavnik RTVTK.

ODSUTNI: Senada Džanić, vijećnica SBB.

Sjednicu je otvorio i vodio predsjedavajući Općinskog vijeća, Nusret Dautović.

Nusret Dautović, predsjedavajući Općinskog vijeća: „Sve vas srdačno selamim i pozdravljam. Prije nego otvorim 24. sjednicu zamolio bih tehničku službu da utvrdi kvorum. Pošto imamo kvorum, prisutno je 16 vijećnika, a odsutna je Senada Džanić opravdano, možemo početi sa radom. Otvaram 24. redovnu sjednicu 7. saziva Općinskog vijeća Doboj Istok.“

USVAJANJE ZAPISNIKA SA PRETHODNE SJEDNICE OPĆINSKOG VIJEĆA

Nusret Dautović, predsjedavajući Općinskog vijeća: „Dobili ste Zapisnik sa 23. redovne sjednice 7. saziva Općinskog vijeća Doboj Istok. Ima li neko primjedbi na zapisnik? Ukoliko nema, ko je za ovakav zapisnik?“

Glasanje: ZA – 16, PROTIV – 0, UZDRŽANIH – 0.

VIJEĆNIČKA PITANJA

Nusret Dautović, predsjedavajući Općinskog vijeća: „Ima li vijećničkih pitanja? Nema.“

USVAJANJE DNEVNOG REDA

Nusret Dautović, predsjedavajući Općinskog vijeća: „ Za 24. redovnu sjednicu Općinskog vijeća bilo je planirano devet tačaka dnevnog reda, ali smo dobili prijedlog za proširenje dnevnog reda sa dvije tačke. Te dvije tačke su planirane kao 1 i 2. i ja ću vam pročitati koje su to dvije tačke pa ćemo se izjasniti po tom pitanju:

1. *Razmatranje i usvajanje Prijedloga Odluke o ispitivanju zadovoljstva građana radom Općinske uprave i Općinskog vijeća Doboj Istok i*
2. *Razmatranje i usvajanje Prijedloga Odluke o usvajanju Trogodišnjeg plana rada općine Doboj Istok za period od 2023 do 2025. godine.*

Kako sam ja shvatio u ponedjeljak je bio sastanak sa MEG i njihov zahtjev je da se stave i ova dva materijala. Slažete li se da idu i ove dvije tačke koje bi išle kao 1 i 2. a ostale bi se pomijerale? Ko je za ovakav dnevni red?

Glasanje: ZA – 16, PROTIV – 0, UZDRŽANIH – 0.

Ja ću sada pročitati kompletan dnevni red:

1. *Razmatranje i usvajanje Prijedloga Odluke o ispitivanju zadovoljstva građana radom Općinske uprave i Općinskog vijeća Doboj Istok,*
2. *Razmatranje i usvajanje Prijedloga Odluke o usvajanju Trogodišnjeg plana rada općine Doboj Istok za period od 2023 do 2025. godine*
3. *Razmatranje i usvajanje Prijedloga Odluke o učešću u akciji rekonstrukcije Šehidskog mezarja u Brijesnici Velikoj,*
4. *Razmatranje i usvajanje Prijedloga Odluke o sprovođenju redovnog godišnjeg anketiranja na području općine Doboj Istok,*
5. *Razmatranje i usvajanje Prijedloga Odluke o visini prosječne konačne građevinske cijene 1 m² korisne površine građevinskog objekta na području općine Doboj Istok za 2023. godinu,*
6. *Razmatranje i usvajanje Izvještaja o radu Zajedničkog pravobranilaštva Čelić i Doboj Istok za 2022. godinu*
7. *Razmatranje i usvajanje Izvještaja o rješavanju upravnih stvari u upravnom postupku u općini Doboj Istok za 2022. godinu*
8. *Razmatranje i usvajanje Izvještaja o radu Komisije za utvrđivanje prometne vrijednosti nepokretnosti i prava za 2022. godinu*
9. *Razmatranje i usvajanje Informacije o sigurnosti na području općine Doboj Istok za 2022. godinu*
10. *Razmatranje i usvajanje Informacije o pripremnim aktivnostima za proljetnu sjetvu za 2023. godinu,*
11. *Razmatranje i usvajanje prijedloga Formata izvještaja o radu javnih ustanova i javnih preduzeća na području općine Doboj Istok.*

Ko je za kompletan dnevni red?“

Glasanje: ZA – 16, PROTIV – 0, UZDRŽANIH – 0.

REALIZACIJA DNEVNOG REDA

1. ***Razmatranje i usvajanje Odluke o ispitivanju zadovoljstva građana radom Općinske uprave i Općinskog vijeća Doboj Istok,***

Nusret Dautović, predsjedavajući Općinskog vijeća: „Javlja li se još neko za riječ? Ukoliko se niko ne javlja ko je za ovakav prijedlog Odluke?“

Glasanje: ZA – 16, PROTIV – 0, UZDRŽANIH – 0.

2. ***Razmatranje i usvajanje Prijedloga Odluke o usvajanju Trogodišnjeg plana rada općine Doboj Istok za period od 2023 do 2025. godine,***

Nusret Dautović, predsjedavajući Općinskog vijeća: „ Javlja li se neko za riječ po ovoj tački? Ukoliko se niko ne javlja ko je za ovakav prijedlog Odluke?“

Glasanje: ZA – 16, PROTIV – 0, UZDRŽANIH – 0.

3. Razmatranje i usvajanje Prijedloga Odluke o učešću u akciji rekonstrukcije Šehidskog mezarja u Brijesnici Velikoj,

Nusret Dautović, predsjedavajući Općinskog vijeća: „ Javlja li se neko za riječ po ovoj tački? Ukoliko se niko ne javlja ko je za ovakav prijedlog Odluke?“

Glasanje: ZA – 16, PROTIV – 0, UZDRŽANIH – 0.

4. Razmatranje i usvajanje Prijedloga Odluke o sprovođenju redovnog godišnjeg anketiranja na području općine Doboj Istok,

Nusret Dautović, predsjedavajući Općinskog vijeća: „ Javlja li se neko za riječ po ovoj tački? Ukoliko se niko ne javlja ko je za ovakav prijedlog Odluke?“

Glasanje: ZA – 16, PROTIV – 0, UZDRŽANIH – 0.

5. Razmatranje i usvajanje Prijedloga Odluke o visini prosječne konačne građevinske cijene 1 m² korisne površine građevinskog objekta na području općine Doboj Istok za 2023. godinu,

Nusret Dautović, predsjedavajući Općinskog vijeća: „ Javlja li se neko za riječ po ovoj tački? Ukoliko se niko ne javlja ko je za ovakav prijedlog Odluke?“

Glasanje: ZA – 16, PROTIV – 0, UZDRŽANIH – 0.

6. Razmatranje i usvajanje Izvještaja o radu Zajedničkog pravobranilaštva Čelić i Doboj Istok za 2022. godinu

Nusret Dautović, predsjedavajući Općinskog vijeća: „ Javlja li se neko za riječ po ovoj tački? Ko je za usvajanje ovakvog Izvještaja?“

Glasanje: ZA – 16, PROTIV – 0, UZDRŽANIH – 0.

7. Razmatranje i usvajanje Izvještaja o rješavanju upravnih stvari u upravnom postupku u općini Doboj Istok za 2022. godinu

Nusret Dautović, predsjedavajući Općinskog vijeća: „ Javlja li se neko za riječ po ovoj tački?“

Emira Karić, predsjednica kluba vijećnika SDP: „ Pozdravljam i selamim sve prisutne. Što se tiče Izvještaja o rješavanju upravnih stvari u upravnom postupku u općini Doboj Istok za 2022. godinu ja sam ga precizno isčitala, pa se mogu osvrnuti zašto prihvatam ovaj izvještaj. Evo na primjer u izvještaju je rečeno da u svom radu općinske službe nisu primjenjivale prisilne mjere, što je svakako pozitivno. Takođe je navedeno da iz oblasti prostornog uređenja nije bilo žalbi. Vidim da je 2022. godina što se tiče službi bila uredna, da kažem zadovoljavajuća. Isto tako mogu reći da se slažem sa ovim zaključnim razmatranjima, ali ih treba sprovoditi u praksi, gdje kaže da se za unapređenje rada općinske uprave potrebno je da se stimuliše i nagrađuje rad državnih službenika i namještenika

za kvalitetan i povećan obim poslova, da se malo ipak napravi razlika i da se u tim nekim pravilnicima nađu mogućnosti za one koji urade nešto više ili za one koji ne urade da se ne stimulišu. Vidimo da neki imaju 400 predmeta, kod nekih 12, kod nekih 11, pa služba za civilnu zaštitu za ovu 2022. godinu i tu je bila rečenica dvije. Ja ne znam kako ko radi u Općini, ali podržavam mjere da se stimulišu oni koji i prelaze norme.“

Nusret Dautović, predsjedavajući Općinskog vijeća: „ Javlja li se još neko za riječ? Ko je za usvajanje ovakvog Izvještaja?“

Glasanje: ZA – 16, PROTIV – 0, UZDRŽANIH – 0.

8. Razmatranje i usvajanje Izvještaja o radu Komisije za utvrđivanje prometne vrijednosti nepokretnosti i prava za 2022. godinu

Nusret Dautović, predsjedavajući Općinskog vijeća: „ Javlja li se neko za riječ po ovoj tački? Ukoliko se niko ne javlja ko je za ovakav Izvještaj?“

Glasanje: ZA – 16, PROTIV – 0, UZDRŽANIH – 0.

9. Razmatranje i usvajanje Informacije o sigurnosti na području općine Doboj Istok za 2022. godinu

Nusret Dautović, predsjedavajući Općinskog vijeća: „ Javlja li se neko za riječ po ovoj tački?“

Emira Karić, predsjednica kluba vijećnika SDP: „ Evo takođe i u ovoj Informaciji, ovoj tački dnevnog reda, imamo neke pozitivne pomake i ja bih se i osvrnula na neke tabele. Evo u tabeli kada je u pitanju javni red i mir vidimo da su parametri u odnosu na 2021. godinu itekako pozitivni. Broj događaja narušavanja javnog reda i mira sa 64 pao je na 20, broj prekršilaca isto tako 52 u 2021. godini, a 22 u 2022. godini i da ne nabrajam. Ima dosta tabela koje pozitivno govore o sigurnosnoj situaciji na području naše općine. Takođe mene usrećuje i ova tabela kada su u pitanju saobraćajne nesreće, jer hvala Bogu nismo imali u 2021. godini saobraćajnu nesreću sa poginulim licem, a takođe sa povrijeđenim se smanjuje itd. Ja ću se osvrnuti na saradnju sa školama, velike pohvale i za gospodina koji obilazi škole, jer zaista je profesionalan, tačan je, dolazi na vrijeme, na vrijeme obavještava nas u prosvjeti kada su određeni termini. Takođe sam prisustvovala toj vrsti predavanja i to su bili projekti Put do škole i Hodaj oprezno i vozi sigurno. Jako dobro iskomunicira sa našim učenicima i mogu reći da se učenici raduju takvim posjetama. Osvrnut ću se takođe i na dan izbora, ispoštovali ste zaista sve izborne jedinice i ne samo da ste bili do zatvaranja nego ste bili do zaključavanja izbornih mjesta. Tako da su sve pohvale za 2022. godinu, pa vidjet ćemo dalje.“

Kemal Skopljak, predsjednik kluba vijećnika SBB-BPS: „ Pošto prvi puta izlazim da poselamim i pozdravim sve prisutne. Ja ću kratko samo da se nadovežem na kolegicu koja je ovo jako lijepo obrazložila. U ovom slučaju očito je da su odlično radili i da su preventivno radili. Ove tabele pokazuju da je prevencija najbitnija u njihovom poslu i oni su taj posao odradili fantastično, jer su parametri svega pali i za svaku pohvalu je dosadašnji rad.“

Mehmed Mehinović, vijećnik SBiH: „ Prvo ono uobičajeno – selam alejkum i dobar dan svim prisutnim. Naravno izgleda da smo dobro raspoloženi i da brzo radimo i da će to sve biti kako treba. Ja imam svoje mišljenje kada je u pitanju Policijska stanica, a to je da je Općina, mi koji smo u Općinskom vijeću i izvršna vlast i Policijska stanica na jednom istom zadatku, da naši građani što bolje žive, što bezbjednije, da se osjećaju bezbjedno svi građani na Doboj Istoku, pa i gosti koji dolaze u Doboj Istok. Očito po ovom izvještaju nisam mogao da se ne javim da Policijska stanica nastavlja dobru saradnju čini mi se kako to ovdje stoji sa izvršnom vlašću i to daje garanciju da će biti bolje u

narednom periodu. Naravno zaokružio sam ovo o čemu sam posebno htio da pričam i što mene raduje, prije 4 – 5 godina za ovom govornicom sam govorio o saradnji Policijske stanice sa školama i evo pod 1.5.6. stoji da je ova Policijska stanica nastavila po projektu Put do škole i Hodaj oprezno i vozi sigurno i vidim da su redovno prisutni oko škola na šta posebno trebaju baciti akcenat u narednom periodu da se ne bi pojavili neki, ne daj Bože, neželjeni slučajevi oko škole i u školi. Naravno lijepo je vidjeti i ove tabele o čemu je kolegica Emira pričala, a to je da je smanjen broj poginulih, smanjen broj nesreća itd. Znači da se preventivno djeluje i ne treba se ljutiti kada su na putu, jer to otprilike utiče na to kako jest. Kvalifikaciona struktura je kako treba i na kraju jedan njihov zaključak i ocjena njihova koja treba da bude relevantna da je stanje bezbjednosti na našoj općini zadovoljavajuće što i ja mislim da je tako. Jedan podatak u izvještajnom periodu je da nije bilo pokušaja suicida, a u ovakva teška vremena to je pošast koja djeluje na cijeloj teritoriji Bosne i Hercegovine i hvala Bogu to nas zaobilazi i to je podrška i Policijske stanice i ljudi koji rade u izvršnom organu i rješavaju neke stvari kvalitetno. Treba voditi o tome računa i to prepoznati i u Centru za socijalni rad koji su ljudi u toj nuždi, jer imamo ljude koji su u depresiji i treba to prepoznati i djelovati na vrijeme i da ovako bude i iduće godine kada budemo usvajali izvještaj. Ja želim da čestitam Policijskoj stanici i da gospodin Meho prenese svojim saradnicima da smo mi zadovoljni sa ovim što rade i nadamo se da će nastaviti ovako i da to neće biti ništa lošije u narednom periodu.“

Hasan Hasančević, predsjednik kluba vijećnika SDA: „ Ja ću iskoristiti priliku da poselamim i pozdravim, a naročito da poselamim predstavnika Policijske stanice Doboj Istok. O informaciji neću govoriti klub vijećnika SDA će podržati ovakvu informaciju i drago mi je što nastavljamo saradnju i što vidim predstavnika Policijske stanice u sali Općinskog vijeća.“

Nusret Dautović, predsjedavajući Općinskog vijeća: „ Hvala Hasane. Javlja li se neko za riječ? Ukoliko se niko ne javlja, ko je za ovakvu Informaciju?
Glasanje: ZA – 16, PROTIV – 0, UZDRŽANIH – 0.

10. Razmatranje i usvajanje Informacije o pripremnim aktivnostima za proljetnu sjetvu za 2023. godinu,

Nusret Dautović, predsjedavajući Općinskog vijeća: „ Javlja li se neko za riječ po ovoj tački? Ukoliko se niko ne javlja ko je za ovakvu Informaciju?“
Glasanje: ZA – 16, PROTIV – 0, UZDRŽANIH – 0.

11. Razmatranje i usvajanje prijedloga Formata izvještaja o radu javnih ustanova i javnih preduzeća na području općine Doboj Istok.

Nusret Dautović, predsjedavajući Općinskog vijeća: „ Javlja li se neko za riječ?“

Emira Karić, predsjednica kluba vijećnika SDP: „ Prvo bih da postavim pitanje, odnosno da otklonim određenu nedoumicu kada je u pitanju prijedlog Formata izvještaja o radu javnih ustanova i javnih preduzeća. Da li se ovo odnosi i na izvještaje o radu mjesnih zajednica i udruženja građana, odnosno da li će ovakav i sličan izvještaj, ovakav format poštovati savjeti mjesnih zajednica i udruženja građana? Ja smatram da bi bilo dobro, ali se ovdje u ovoj tački ne navodi. Što se tiče samog formata ne vidim ko je obrađivač, ali mogu reći da je jako dobar format i da je to ono što zadovoljava zaista u potpunosti određeni izvještaj i drago mi je što smo došli do ovog nivoa kada će izvještaji i javnih ustanova i javnih preduzeća imati jedan te isti obrazac – format ili kako god. Do sada smo naučili na različitosti, pa su neki bili jako jako sadržajni. Na kraju krajeva smatram da su određene strukture i lutale kada je u pitanju način na koji će izvještavati nas Općinsko vijeće. Dakle pohvale

sve sa svim se tačkama slažem u ovom izvještaju, sve zadovoljavaju obim onoga što jedan vijećnik ili građanin treba da zna o ustanovi ili preduzeću.“

Nusret Dautović, predsjedavajući Općinskog vijeća: „ Hvala lijepo, Emira. Javlja li se neko za riječ? Ko je za usvajanje prijedloga Formata?“

Glasanje: ZA – 16, PROTIV – 0, UZDRŽANIH – 0.

Sa ovom tačkom završavamo današnju sjednicu Općinskog vijeća, zahvaljujem se vijećnicima i vidimo se svečanoj sjednici Općinskog vijeća 28.02. u 10 sati.“

Sjednica je završena u 10,25 sati.

*ZAPISNIČAR
Behara Hadžić*

*SEKRETAR OPĆINE
Omer Hadžić*

*PREDSJEDAVALJUĆI
OPĆINSKOG VIJEĆA
Nusret Dautović*

Zapisnik je usvojen na 25. redovnoj sjednici Općinskog vijeća Doboj Istok održanoj dana 30.03.2023. godine.

U Klokotnici, dana 30.03.2023. godine

*Zabilješku sačinila
Arneta Aljić, ovlaštenu državnu službenicu
da obavlja poslove sekretara općine*